



transport

Department:
Transport
PROVINCE OF KWAZULU-NATAL

ISABELO-MALI SIKA - 2012/ 13

Impilo engcono isifikile e-KZN



UNgqongqoshe woMnyango wezokuThutha, ukuPhepha nokuXhumana koMphakathi, uMnuz Willies Mchunu ubuyise ithemba emiphakathini eminingi ngesikhathi ethula isabelo-mali esizogxila ekuthuthukiseni ingqalasizinda kudaleke amathuba emisebenzi. Kwisabelo-mali sezokuThutha uMchunu uqhakambise ukuzibophezela kukaHulumeni kumbhidlango wokulwisana nokufa kwabantu emigaqweni. Lapha wathathwa ehambisana noMengameli we-Cosatu, uMnuz Sdumo Dlamini noNobhala we-Popcru, uMnuz Kwenza Nxele bekwesinye sezivimbamgwaqo. UMchunu uphonsele inselelo bonke abaholi bezombusazwe wesiShayamthetho ukuthi babambe iqhaza elibonakalayo ekulweni nezingozi zomgwaqo nobugebengu.



Mnuz TW Mchunu
UNgqongqoshe wezokuThutha
ukuPhepha nokuXhumanisa
uMphakathi KwaZulu-Natali

OKUNGAPHAKATHI



**Kuzoshunq'uthuli
kuthuthuka i-KZN**
Bheka ikhasi 2

KwaZulu-Natali-sibambisene ukulwa nezingozi zomngwaqo, ubugebengu nokubulawa kwamaphoyisa

Ingqophamlando uMchunu ememezela u-R3.39 billion wokulungisa imigwaqo eyonakele KwaZulu-Natal

IZOKUBA ngumlando emigwaqeni yaKwaZulu-Natal inkinga yama-potholes nemigwaqo engekho esimweni njengoba uMnyango wezokuThutha uhlinzeke ngemali eningi kwisabelo-mali sawo yokubhekana nale nselelo.

Lokhu kuvezwe nguNgqongqoshe walo Mnyango, uMnuz Willies Mchunu ngeledlule ngesikhathi ethula kwisiShayamthetho isabelo-mali salo Mnyango.

UMchunu uveze ukuthi imali engu-R3.39 billion izobhekana nokulungisa imigwaqo isimo sayo esesikhomba ukungagculisi neze eminye osekucaca ukuthi ayisahambeki nhlobo kuyona.

Isiyonke imali ethulwe nguMchunu eyabelwe uMnyango wakhe ingu-R 7.4 billion.

“Inkinga enkulu wukuthi imigwaqo yethu isiphelelwe yisikhathi njengoba yabe ibekelwe ukuthi izophila iminyaka engu-25. Nenkinga yezimvula ezinamandla isibuyisela emuva ngoba sithi sakha imigwaqo kodwa ibe yonakala,” kusho uMchunu.

Ubuye wakhala kakhulu ngezithuthi ezilayisha impahla esindayo nezenza umgwaqo usheshe ulimale bese nesimo sawo siba sibi kakhulu

Nokho uveze ukuthi le mali ayanele njengoba kusadingeka enye ngenxa yobubanzi besifundazwe kanjalo nemigwaqo eminingi emidala ebikade inganakiwe phambilini.



Leli ngelinye lamabhuloho oMnyango wezokuThutha aqinisekisa ukuthi impilo iba lula kwizakhamizi zasemakhaya. Leli bhuloho elisanda kuvulwa iNkolovuzane KwaMaphumulo. Kanti uMchunu umemezele izinhlelo eziningi zokudala amathuba emisebenzi.

Nabaholi bezinhlangano ezahlukeni zezepolitiki kwisiShayamthetho bavumelane naleli gxathu elithathwe nguMnyango lokuthi kugxilwe kakhulu ekulungiseni ingqalasizinda evele ikhona.

Yize isabelo-mali soMnyango wezokuThutha sigxile kakhulu ekulungiseni imigwaqo eyonakele yesifundazwe kodwa uMchunu unike isiqiniseko sokuthi lapho ingakafiki khona intuthuko nakanjani iyeza.

“Sibeka imali engu-R1.5 billion ukwakha imigwaqo emisha, siyifake itiyela bese sakha namabhuloho. Lokhu kusho ukuthi sizokhubeka nokuyisa intuthuko emiphakathini empofu nesadonsa kanzima,” kusho

uMchunu.

Kuvele ukuthi umonakalo owadaleka ngenxa yezimvula ezinamandla ebezilokhu zihlasele isifundazwe eminyakeni edlule zishiye umonakalako omkhulu kakhulu kanti imali eyatholelwa ukwenza lo msebenzi ayanele.

Lo Mnyango uveze ukuthi umonakalo owenzeka ungaphezulu kuka-R727.12 million kanti imali oyitholile yokulungisa umonakalo ingaphansi kakhulu kwale.

UMchunu uveze ukuthi kuze kwaphoqekeka ukuthi basebenzise imali yabo ebihlinzekelwe ezinye izinto ukuze bekwazi ukulungisa umonakalo.

Uthe ekufezeni

ukuthuthukiswa kwengqalasizinda yesifundazwe, umNyango wakhe usazibophezele ohlelweni luka-Operation Kushunquthuli oluqondene nokusiza imiphakathi yasemakhaya, ngokuyinikeza imigwaqo yokufinyelela ezikoleni, emitholampilo, ezindaweni zokungcebeleka kuhlanganisa nezindawo zokulima.

Kuvele ukuthi uhlelo lwe-African Renaissance Roads Upgrading Program (ARRUP) oluhlanganisa imigwaqo engu-15 efinyelela ku-500 km isiyonke neyaxhiwa ngesamba esingaphezu kuka-R3.7 billion luzoqhubeka.

UMnyango uyaziqhanya ngomsebenzi osuphuthuliwe walezi zinhlelo ezilandelayo:

uP399 eVulindlela, uP296/38 Osizweni kuya eBuffalo Flats, uP235 kwaHlabisa kuya kwaNongoma, kanye no-P240 osuka Obanjeni uya Kwamaqwakazi. Izinhlelo ze-ARRUP ezisasetshenzwa kubalwa u-P577 (Duffs Road) noyingxenye yomzila phakathi kwe-Pinetown kanye nesikhumulo sezindiza i-King Shaka International Airport, ukufakwa kwetiyela ku-P700 (Ulundi Road) ongu-95km, ukufakwa kwetiyela ku-P68 ose-Assisi kuya eSt. Faiths kuya e-Port Shepstone nongu-23.9km, u-P230 osuka eMpangeni uya eShowe ongu-31.3km, ukufakwa kwetiyela kuMain Road P15-1 osuka eNtunjambili uye eWoshi River, eStanger nongu 7.6km.

Isabelo mali uVote 12 soMnyango wezokuThutha sonyaka wezimali ka 2012/2013 esingu R7 418 730 000 billion simi kanje;

Administration R261 977 000 million

Tnasport Infrastructure

R5 398 753 00

billionTransport Operation

R 1 022 862 000 billion

Transport Regulation R670 796 000 million

Community based programmes R 64 485 000 million



UNgqongqoshe wezokuThutha, uMnuz Willies Mchunu ehla kwenye yamabhasi enkampani Ugu Transport Services okuyiyona enikwe ngumNyango inkontileka yokusebenza ePort Shepstone namaphethelo ngaphansi kohlelo lwamabhasi axhaswe nguHulumeni.

UMnyango wezokuThutha KwaZulu-Natal oholwa nguNgqongqoshe uMnuz Willies Mchunu uqophe umlando umemezela

ukuthi uhlelo lwamabhasi axhaswe nguhulumeni azobuyela ezandleni zabantu abamnyama.

UMchunu utshele amalungu esiShayamthetho ukuthi lolu hlelo

Luzosabalala uhlelo loMnyango wezokuThutha lokuhlomulisa osomatekisi emkhakheni wamabhasi

olungolokuqala ezweni lonke lokufukula osomabhezini abancane nabanikazi bamatekisi luzoqhubeka.

Lokhu uMchunu ukusho ngesikhathi ethula isabelo-mali soMnyango wezokuThutha esiShayamthetho ngeledlule.

Lolu hlelo lwesekwa ngabaningi njengoba luzofukula ikakhulukazi osomabheziniabasebencane.

“Asifuni abanikazi bamatekisi bagcine ngokuthi ngabanikazi bamatekisi kodwa kumele bazibone njengosomabhezini

endimeni yokuthuthwa komphakathi. Loluhlelo sihlose ngalo ukuthi umnotho ubuyele kubantu futhi uhulumeni uzoqhubeka nokuluxhasa ngoba sikholwa wukuthi luzokwazi ukuhlomulisa abantu abaningi,” kusho uMchunu.

Lolu hlelo seluqalile ePort Shepstone njengoba inkampani entsha yamabhasi khona uGu Bus Services PTY (LTD) iphethwe ngabanikazi bamatekisi kanye nabanikazi bezinkampani ezincane zamabhasi. Abanikazi bamatekisi yibona abaphethe

amasheya amaningi kule nkampani.

Lolu hlelo ludala amathuba emisebenzi kubantu abaningi kanti uhulumeni ufaka imali engu-R800 million ukuxhasa amabhasi ukuze akwazi ukuthutha umphakathi kulesi sifundazwe.

Lolu hlelo lulandela inqumbomgomo eyamukelwa yiKhabhinethi ng-2011 emayelana nokuthuthukisa abantu abamnyama ukuze bahlomule emabhasini axhaswe nguhulumeni.



UNgqongqoshe woMnyango wezokuThutha, ukuPhepha nokuXhumana koMphakathi, uMnuz Willies Mchunu neNhloko yoMnyango wezokuPhepha nokuXhumana koMphakathi, uMnuz Ronnie Bhengu kanye neNhloko yoMnyango wezokuThutha uMnuz Sbu Gumbi, ngesikhathi bebambe isithangami sabezindaba ngemuva kokwethulwa kwesabelo-mali semiNyango eholwa uMacingwane yomibili esiShayamthetho, eMgungundlovu.

UNGQONGQOSHE woMnyango wezokuThutha, ukuPhepha nokuXhumana koMphakathi KwaZulu-Natal, uMnuz Willies Mchunu uphonsele izinhlangano zezombusazwe nezinhlangano ezizimele zomphakathi inselelo yokuthi zisukume zibambe iqhaza ekulweni nokufa kwabantu emgwaqeni.

Lokhu uMchunu ukusho kwisiShayamthetho ngeledlule lapho ebethula khona isabelo-mali soMnyango wezokuThutha sika-R7.4 billion.

Lesiabelo-mali uMchunu usethule ngaphansi kwesibulo esithi “Deepening Activism Against Road Carnages”.

UMchunu uthe namanje ukuphepha kwabantu emgwaqeni yikhona okuphezulu eqhulwini kulo Mnyango futhi bazimisele ngokwenza umehluko obonakalayo.

Uveze ukuthi lokhu bahlose ukukufezekisa ngokuqinisa umkhankaso ka-Operation Valingozi.

UMchunu uthe uMnyango wakhe uzobhukula ukufezekisa zonke izinqumo ezathathwa yingqungquthela yokuqala yesifundazwe yokuphepha emgwaqeni.

“Izingozi zimbi; abantu kumele bayeke ukubulala abanye emgwaqeni yethu. Siphonsela namaqembu ezombusazwe inselelo yokuthi nawo abambe iqhaza

elibonakalayo ekunqandeni ukufa kwabantu emgwaqeni,” kusho uMchunu.

Uthe isinqumo sokuqhakambisa ukuphepha emgwaqeni kungenxa yokuthi nenhlangano yezizwe i-United Nations nayo ibeke umgomo wokuthi kuncishiswe izingozi ngohhafu ngonyaka ka-2020.

Nokho uMchunu ukholwa wukuthi KwaZulu-Natal kumele unyaka ka-2012 kube yiwona nyaka ezinqotshwa ngawo izingozi.

UMchunu ubuye wancoma umfelandawonye wezinyunyana zabasebenzi iCosatu, ngokuphumela obala yeseka u-Operation Valingozi.

UMacingwane ugqizelele ukubambisana kwemiNyango

Inselelo kwabezombusazwe yokuba babambe iqhaza ekulweni nokufa kwabantu emgwaqeni

kahulumeni wathi iKhabhinethi ike yalibheka lolu daba yanquma ukuthi akubanjiswane kuliwe nale nkinga.

“Ngo-Operation Val’ingozi sihlose ukunqanda ukulahleka kwemiphefumulo engenacala yabagibeli, abashayeli, abanikazi bezithuthi zomphakathi abasemthethweni kanye neminye imiphakathi ethintekayo. Lokhu sikwenza ngokuba sifundise imiphakathi yakithi siphinde senze imikhankaso yokuqwashisa abasebenzisi bomgwaqo ukuba baqaphele lezi zinto eziyimbangela yezingozu zomgwaqo. Okunye esikwenza ngokukhankasa ngezimvimba-mgwaqo lapho sibheka khona amalayisensi okusebenza kwezithuthi zomphakathi, isimo semoto ukuthi ikulungele yini ukuba semgwaqeni, isimo somshayeli nendlela aziphatha ngayo ngokulandela imigomo yekomiti elididiyele i-Integrated Traffic Law Enforcement Committee,”

kusho uMchunu.

Uthe wonke umuntu kumele asebenzele ukuthi kukhiqizwe uhlobo olusha labashayeli, abakwesabayo ukuphula umthetho.

Uncome nezinye izimantshi ezinika izigwebo ezinzima kulabo abasuke bebhokene namacala okuphula umthetho emgwaqeni, wathi kumele ezobulungiswa ziqine ukuze bajeze labo abayishaya indiva ingalo yomthetho.

Uthe izoqhubeka imikhankaso yokuqinisa isandla kukhucululwe izaphulamthetho emgwaqeni ezishayela ziphuzile, abahamba ngezimoto ezingekho esimweni kanye nabahamba ngejubane eleqile.

UMchunu uveze ukuthi kukhona nezikhungo ezihlola izimoto ukuthi zikulungele yini ukuba semgwaqeni esezivaliwe ngoba ziyingxenye yenkohlakalo nokungasebenzi kahle okubeka izimpilo zabantu engcupheni.

Indathane yamathuba emisebenzi uMacingwane ethula isabelo-mali sezokuThutha

INDATHANE yemisebenzi ezodaleka kulo nyaka njengoba uMnyango wezokuThutha uhlela ukuhlomulisa abantu abasha nalabo abahlwempu.

UNgqongqoshe walo Mnyango, uMnuz Willies Mchunu ngesikhathi ethula isabelo-mali salo Mnyango uveze ukuthi ngaphansi kohlelo lwengqalasizinda yokwakhiwa kwemigwaqo nokulungiswa kwayo kuzodaleka amathuba emisebenzi angu-57000.

Ngokusho kukaMchunu kuzothi kudaleka amathuba emisebenzi ngezinhlelo zokuthuthukisa umphakathi, lo mnyango nawo uzobe uvala izikhala zabasebenzi obese kuneminyaka zivulekile.

Utshale isiShayamthetho ukuthi ukuhlelwa kabusha koMnyango wakhe sekuphuthuliwe kanti noNgqongqoshe wezokuPhathwa kwezisebenzi zikahulumeni, uMnuz Roy Padayachie, ushone eselugunyazile uhlelo lwesakhiwo esiphezulu sa-

basebenzi boMnyango.

Akugcini nje lapho kodwa lo Mnyango uzoqinisa nohlelo lokuphepha abantwana besikole emgwaqeni nalo oluzodala amathuba emisebenzi amaningi.

Lolu hlelo lungena ngaphansi kwaleyo misebenzi edaleka ohlelweni i-Expanded Public Works Programme (EPWP, luzosiza abantwana ngokubawelisa uma beya noma bephuma esikoleni lunuye lube nomthelela omkhulu ekutheni isifundazwe

saKwaZulu-Natali sikhonjwe njengesihamba phambili ezweni ekukwazini ukwenza amathuba emisebenzi ngalolu hlelo lwe-EPWP.

“Izinhlelo zikaHulumeni kumele zisebenzise ithuba lokuthola izimali kulolu hlelo ngokuba ziqhamuke nezinhlelo ezakha amathuba emisebenzi. Njengengx-enye yokwandisa izinhlelo zamathuba emisebenzi si-fake imali engu-R2 million ohlelweni lwezokuphepha emgwaqeni olungaphansi kwe-EPWP oluqasha abantu abawelisa izingane zesikole umgwaqo. Laba basiza ngokuwelisa abafundi ngokulawula izimoto emgwaqeni ezifundeni ezahlukeni kanti bazothola umholo ngenyanga ovela esikhwameni salolu hlelo,” kusho uMchunu.

Lokhu kuphinda kube yingxenye yomkhankaso

ka-Operation Val’ingozi okuyilona eselusebenzisa njengomkhankaso wethu wokulwisana nokufa kwabantu emgwaqeni.

Nezinhlelo zikaZibambele ziyaqhubeka nokuba inhlati yethemba komama abahluphekayo esifundazweni abangawutholi umsebenzi. Loluhlelo yilona olubaluleke kakhulu nolwenza umNyango ukwazi ukwakha amathuba emisebenzi angaphezulu kuka-39 000 ngokombiko we-EPWP.

UMnyango kaMacingwane uxoxisana neminye imiNyango njengoMgcinimafa wesifundazwe ngenhloso yokuthola izindlela zokulekelela amalungu kaZibambele ukuba basebenzise imali yabo asebeyongile.

Uyaqhubeka umsebenzi wokutshala ivangeli lokuthula nokubekezelelana kwezombusazwe KwaZulu - Natal

Uyaqhubeka umsebenzi wokutshala ivangeli lokuthula nokubekezelelana kwezombusazwe KwaZulu - Natal


Uzoqhubeka umsebenzi wokubhula umlilo ezindaweni ezahlukene lapho kukhona khona ukungaboni ngasolinye ezinhlanganweni zezombusazwe.

Lo msebenzi owenziwa yi-Multi-Political Oversight Committee uholwa nguNgqongqoshe we-zokuThutha, ukuPhepha nokuXhumana koMphakathi uMnuz Willies Mchunu.

Lokhu uMchunu ukuveze ngeledlule ngesikhathi ethula kwisiShayamthetho isabelo-mali soMnyango we-zokuPhepha nokuXhumana koMphakathi.

Leli komidi lihlanganisa abaholi bazo zonke ezinhlangano zezombusazwe, amaphoyisa, osomabhizinisi kanye nabaholi bendabuko.

Laqala ukwenza umsebenzi walo ngaphambi kokhetho lohulumeni baseKhaya lwango-2011 ngemuva kwezigameko zokusatshiswa nokubulawa kwabaholi bez-



Omunye wemiphumela yohlelo lokuxoxisana kwemiphakathi luphethe ngokuba amaKhosi amabili uNhlanipho Maphumulo waseMaqongqo noSikhosiphi Mdluli waKwaNyavu bathelelane amanzi phambi kwezizwe zabo kulandela ukungezwani kweminyaka phakathi kwalezi zizwe ezingomakhelwane. UMchunu uthe zizoqhubeka ezinhlelo zalolu hlobo kuze kube kukhona uzinzo emiphakathini yaKwaZulu-Natal

inhlangano zezombusazwe.

Kamuva nje neKhabhinethi yesifundazwe isanda kuthatha isinqumo sokuthi leli komidi liqhubeke nomsebenzi walo.

Eqeda ukwethula isabelo-

mali sakhe uMacingwane akapholisanga maseko leli komidi labheka eMtshezi ngoLwesihlanu ukuyobhula umlilo nokucoboshisana kwabalandeli bezinhlangano zezombusazwe kule ndawo.

Phakathi kwezindawo leli komidi eselizihambe leMbabazane/Mtshezi, Greytown/Msinga, Ulundi/Non-goma, KwaDukuza/Mandeni/Maphumulo nasemahostela aseThekwini.

“Leli komidi lizoqhubeka nomsebenzi walo wokuqinisa ukuthula nozinzo lwezombusazwe esifundazweni.

Ngeke siphumule kuze kuba kukhona ukuthula kwangunaphakade,” kusho uMchunu.

Ukusebenza kwaleli komidi kwaholela kwingqophamlando womkhuleko owabe uhlanganise bonke abalandeli bezinhlangano zezombusazwe eMatimatolo, eGreytown ngomhlaka 9 May 2011.

Enye i-rally yomkhuleko yaba KwaNongoma ngo-30 September 2011 ngemuva kokhetho.

Lolu hlelo luhambisana noloMnyango wezokuPhepha nokuXhumana koMphakathi lokwakha izithangami zokubonisana emiphakathini uma kukhona ukungaboni ngasolinye.

Lo Mnyango usungenelele ezindaweni eziningi futhi wakwazi ukudala ukuthula nokuhlalisana. Kamuva nje ungenelele uMnyango, waqopha umlando waxazulula phakathi kwezizwe ezimbili phakathi kwesizwe sakwaMaphumulo nakwaNyavu eMaqongqo.



Empini yokulwa nobugebengu uNgqongqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Willies Mchunu, uMnuz Omie Singh oyiLungu lesiShayamthetho neNkosi yaseMondlo uJabulani Mdlalose bebingxenyeyenhlabaluhide yokulwa nalesi sihlava.

UTHATHE elinye igxathu umbhidlango wabantu baKwaZulu-Natal wokulwa nobugebengu njengoba uMnyango we-zokuPhepha nokuXhumana koMphakathi uthule ezinhlelo ezinqala zokuphepha kulesi sifundazwe.

UMchunu obethula isabelo - mali salo Mnyango uthe basebenza ngokuzikhandla ukubambisana nazo zonke

ezinhlelo neminye iminyango kahulumeni ekulweni nobugebengu.

Uveze ukuthi lo Mnyango usuluqalile uhlelo lokuqeqesha ezinhlangano zomphakathi ezilwa nobugebengu ukuze zikwazi ukubhekana nezigebebu.

Zonke lezi zinhlelo zokulwa nobugebengu zingena ngaphansi komkhankaso omkhulu woMnyango wokulwisana nobugebengu

u-Operation Hlasela.

Lesi sabelo-mali uMchunu uthule ngaphansi kwe-siqubulo esithi - Sigxilisa umyakazo wabantu wokulwisana nobugebengu.

“Abanye ngiyazi ukuthi abazithandi lezi zinhlangano. Iningi lazo laqalwa ngenhloso enhle yokulwa nobugebengu kodwa ezinye zazo zigcina seziphula umthetho. Owethu umsebenzi wukuthi sisebenzisane nazo, sizisize

Inhlanzi izoshelwa ngamanzi ezigebebwini uMacingwane ethula ezinhlelo zokulwa nobugebengu

zisebenze ngaphansi kwezimiso zomthetho. Asikwazi ukuphikisana nobukhona bazo ngoba yilungelo labo elikumthethosisekelo, thina okwethu wukwenza isiqiniseko sokuthi zisebenza ngendlela efanele. Kumanje usukhona umthethosisekelo walezi zinhlangano ezibizwa ngokuthi ama-Voluntary Community Crime Fighting Structures,” kusho uMchunu.

Ubuye waveza nokuthi lo Mnyango uhlela kabusha ukwakhiwa kwama-Community Policing Forums, ngenhloso yokuthi ukwakhiwa kwawo kuhambisane nomthetho.

Kumanje ngokubambisana noKhomishana wamaPhoyisa esifundazweni, uMnyango kaMchunu ususizile ukuhlela kabusha ukwakhiwa komthethosisekelo olwawula ukusebenza kwe-CPF Provincial Board.

Ngaphansi komkhankaso wokulwa nokusetshenziswa kwezidakamizwa, lo Mnyango usuqinise amaxhama okuxhumana neminye imiNyango kaHulumeni ngen-

hloso yokuthi nayo ibambe iqhaza.

“Njengengxenywe yohlelo lokuqwashisa ngokusetshenziswa kwezidakamizwa, sesike sahlalanga nabadayisi botshwala abasemthethweni. UmNyango uphinde wakha ubambiswano ne-SAPS, umNyango wezokuThutha kanye ne-Liquor Board ngaphansi komNyango wezoMnotho nokuVakasha ukuze senze izithangami ezindaweni ezahlukene ezikhuluma ngokudayiswa nokuphuzwa kotshwala ngendlela enokuzibheka,” kubeka uMchunu.

Kukhona usomqulu osuwakhiwe ofundisayo obizwa nge-‘Making Our School Safe’ oqhubekayo nokulekelela ukusabalalisa ulwazi lwezokuphepha ezikoleni olunikezwa yiwona umNyango.

Abaholi bendabuko nabo bakhuthaziwe ukuba bazi-bandakanye nezinhlelo zokuphepha komphakathi ezindaweni zabo.